



INATSISARTUNI

Partii Inuit
Randi Broberg

UPA 2014/45-1
9.4.2014

Pillugu siunnersuut: Nunalerinerup iluani imminut pilersorneq siuarsarneqarsinnaaqqullugu 2015-imut aningaasanut inatsisissami 5 mio. kr.-inik immikkoortitsinissamik Naalackersuisut sulissuteqaqqullugit Inatsisartut aalajangiiffigisassaattut siunnersuut.

(Inatsisartunut ilaasortaq Aqqaluaq B. Egede, Inuit Ataqatigiit)

Partii Inuit siunnersuut soqutigalutigu imaattumik oqaaseqarfigissavarput.

Partii Inuit malugaarput, naalackersuinikkut siunnerfitsinnut naapertuuttumik siunnersuuteqartoqartoq; tassalu sutigut tamatigut immitsinnut pilersornitta annertusartuarnissaa – aamma naatitat eqqarsaatigalugit.

Partii Inuit siunnersuummut naalackersuisullu akissuteqaataanut tamakkiisumik tapersiuteqarnitta nalunaarutigineranut atasumik erseqqissaatigissavarput, Partii Inuit assut soqutigigatsigu, inatsisartut ataatsimoorussaannik, nerisassaqaarnikkut immitsinnut pilersornerput ataatsimut isigalugu, inerisaanernik iliuusissanillu naalackersuinikkut ujartuinissaq – assersuutigalugu ukiuni qulini siumut pilersaarusiukkamik.

Partii Inuit isumaqarpugut, imminut pilersornermik apeqqut ima pingaaruteqartigisoq, allaat pisortat aningaasaliissuteqarsinnaaneri, taamalu uagut nammineq suli annertunerusumik piginnittunngoriartuaarnissarput – nangaanani sulissutigisariaqartoq.

Ukiuni aggersuni nerisassat nioqqutitut akitsoriartupiluulernissaat Partii Inuit naatsersuutigaarput.

Taamaattumik Partii Inuit qamanga pisumik kaammattuutigissavarput, inuiattut immitsinnut nerisassatigut pilersornitta pimoorussamik ukiuni aggersuni sammineqarnissaa.